

BOSNA I HERCEGOVINA  
CENTRALNA IZBORNA KOMISIJA  
SREDIŠNJE IZBORNO POVJERENSTVO



БОСНА И ХЕРЦЕГОВИНА  
ЦЕНТРАЛНА ИЗБОРНА КОМИСИЈА

**INSTRUKCIJA**  
**o načinu unosa, obrade i kontrole izbornih rezultata za Lokalne izbore 2020. godine**

Sarajevo, maj 2020. godine

Na osnovu člana 2.9 stav (1) tačka 2, a u vezi člana 2.13 stav (1) tačka 7. i 8. Izbornog zakona Bosne i Hercegovine ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14 i 31/16) i člana 63. Pravilnika o načinu provođenja izbora u Bosni i Hercegovini ("Službeni glasnik BiH", br. 29/18, 62/18, 69/18 i 25/20), Centralna izborna komisija Bosne i Hercegovine je na 20. sjednici, održanoj 06.05.2020. godine, donijela

## **INSTRUKCIJU**

### **o načinu unosa, obrade i kontrole izbornih rezultata za Lokalne izbore 2020. godine**

#### **Član 1.**

##### **(Primjena)**

Ovom instrukcijom utvrđuje se način organizovanja rada izbornih komisija, te imenovanje, rad i ovlaštenja kontrolora za pravilno objedinjavanje rezultata sa redovnih biračkih mjesta osnovne izborne jedinice u Bosni i Hercegovini, broj kontrolora, administratora i osoblja za unos i obradu rezultata, kvalifikacije kontrolora, način praćenja rada na terenu-način komunikacije, kao i vrsta komunikacije sa kontrolorima.

#### **Član 2.**

##### **(Unos i obrada izbornih rezultata)**

- (1) Izborna komisija osnovne izborne jedinice (u daljnjem tekstu: izborna komisija), najkasnije (30) dana prije dana održavanja izbora donosi akt o imenovanju kontrolora za unos izbornih rezultata i administratora unosa izbornih rezultata.
- (2) Izborna komisija je obavezna da osigura dovoljan broj računara koji trebaju biti umreženi i putem kojih će se vršiti unos izbornih rezultata. Pod dovoljnim brojem računara se smatra jedan računar za unos izbornih rezultata do 25 redovnih biračkih mjesta u osnovnoj izbornoj jedinici.
- (3) Pored računara za unos izbornih rezultata, izborna komisija treba osigurati i računar za supervizora izbornih rezultata kao i računar za kontrolora izbornih rezultata.
- (4) Referenti za unos izbornih rezultata su dužni da u aplikaciju unesu izborne rezultate onakve kakve je birački odbor utvrdio na biračkom mjestu.
- (5) Supervizor izbornih rezultata je obavezan da prati unos izbornih rezultata, kako bi izborni rezultati sa svih redovnih biračkih mjesta bili uneseni na vrijeme.

#### **Član 3.**

##### **(Broj kontrolora i kvalifikacije)**

- (1) Izborna komisija, najkasnije (30) dana prije dana održavanja izbora donosi rješenje kojim imenuje kontrolora izbornih rezultata za svoju osnovnu izbornu jedinicu, koje odmah dostavlja Centralnoj izbornoj komisiji Bosne i Hercegovine (u daljnjem tekstu: Centralna izborna komisija BiH).
- (2) Izborne komisije koje imaju preko stotinu redovnih biračkih mjesta, ukoliko smatraju da je potrebno, mogu da imenuju i više kontrolora, u zavisnosti od resursa kojima raspoložu.

(3) Kontrolor izbornih rezultata iz stava (1) ovog člana je član izborne komisije ili drugo lice koje ima neophodno iskustvo u provođenju izbora, te zadovoljavajuću osposobljenost u informatici.

(4) Imenovni kontrolori obavezni su da završe obuku u skladu sa Planom i programom obuke za administriranje JIIS BiH u osnovnoj izbornoj jedinici koji utvrdi Centralna izborna komisija BiH

#### **Član 4.** **(Ovlaštenja kontrolora)**

(1) Kontrolor izbornih rezultata, nakon dobijene saglasnosti izborne komisije osnovne izborne jedinice, ima obavezu da u aplikaciji JIIS BiH-Modul za unos i obradu izbornih rezultata, na svim redovnim biračkim mjestima na kojima izborni rezultati nisu matematički tačni, izvrši korekcije u dijelu:

- a) ispravi pogrešan upis, ukoliko birački odbor u polje broj potpisa na biračkom spisku upiše podatak o broju imena na izvodu iz Centralnog biračkog spiska;
- b) ispravi broj glasačkih listića u glasačkoj kutiji ukoliko je birački odbor upisao ukupan broj zaduženih glasačkih listića;
- c) ispravi pogrešan kontrolni broj, ukoliko birački odbor u test tačnosti upiše broj koji ne odgovara stvarnom kontrolnom broju;
- d) ispravi pogrešno upisane brojeve koji predstavljaju sumu određenih podataka: ukupan broj nevažećih glasačkih listića, ukupan broj važećih glasova za političke subjekte i ukupan broj važećih glasova za kandidate za nacionalne manjine.

(2) Kontrolor izbornih rezultata ne smije vršiti bilo kakve korekcije na originalnim obrascima ili bilo kojoj kopiji obrazaca za zbirne rezultate koje je birački odbor upisao na biračkom mjestu.

(3) Kontrolor izbornih rezultata ostvaruje potrebnu saradnju sa kontrolorima u Centralnoj izbornoj komisiji BiH.

#### **Član 5.** **(Zahtjev izborne komisije za pravilno objedinjavanje izbornih rezultata)**

(1) Nakon izvršenih svih korekcija iz člana 4 stav (1) ove instrukcije, kontrolor izbornih rezultata podnosi pisani izvještaj (odštampan iz aplikacije) izbornoj komisiji o svim biračkim mjestima na kojima je:

- a) kandidat u okviru otvorene liste dobio više glasova od političkog subjekta čiji je kandidat;
- b) broj glasačkih listića koji je pronađen u glasačkoj kutiji veći ili manji od zbira ukupnog broja važećih glasova i ukupnog broja nevažećih glasačkih listića.

(2) Izborna komisija na osnovu izvještaja kontrolora izbornih rezultata donosi odluku o zahtjevu za pravilno objedinjavanje rezultata, u kojem se navodi oznaka biračkog mjesta i nivo za koji je potrebno pravilno objediniti utvrđene rezultate, i dostavlja Centralnoj izbornoj komisiji BiH putem službenog telefaksa ili putem e-maila.

(3) Centralna izborna komisija BiH, na osnovu zahtjeva iz stava (2) ovog člana, odštampanog izvještaja iz aplikacije o nepravilnostima za data biračka mjesta i originalnih obrazaca za zbirne rezultate sa tih biračkih mjesta, nakon ocjene opravdanosti zahtjeva za pravilno objedinjavanje utvrđenih izbornih rezultata, donosi naredbu za otvaranje vreće u cilju pravilnog objedinjavanja izbornih rezultata.


**Član 6.**  
**( Sadržaj obrazaca)**

Sastavni dio ove instrukcije je Obrazac - Zahtjev za otvaranje vreće i pravilno objedinjavanje rezultata (obrazac ZPOR).

**Član 7.**  
**(Stupanje na snagu i objava u službenim glasilima)**

Ovo instrukcija stupa na snagu danom objave u „Službenom glasniku BiH“, a bit će objavljena u „Službenim novinama F BiH“, „Službenom glasniku RS, u „Službenom glasniku Brčko distrikta BiH“ i na internet-stranici Centralne izborne komisije BiH [www.izbori.ba](http://www.izbori.ba).

Broj: 05-1-02-2-397-1/20  
Sarajevo, 06.05.2020. godine

  
Predsjednica  
Vanja-Bjelica-Prutina

**IZBORNA KOMISIJA OSNOVNE IZBORNE JEDINICE**

**(KOD I NAZIV IK)**

Broj:

Datum:

Na osnovu člana 2.13 Izbornog zakona Bosne i Hercegovine ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14 i 31/16), a u vezi sa članom 5. Instrukcije o načinu unosa, obrade i kontrole izbornih rezultata za Lokalne izbore 2020. godine ("Službeni glasnik BiH", broj 25/20) izborna komisija podnosi

**ZAHTJEV**

za otvaranje vreće i pravilno objedinjavanje izbornih rezultata

Za biračko mjesto (**broj biračkog mjesta**), nivo (**navesti naziv nivoa**)

**Obrazloženje**

Nakon unosa i kontrole rezultata za biračko mjesto navedeno u dispozitivu ovog zahtjeva, utvrđene su nepravilnosti iz člana 5. Instrukcije o načinu unosa, obrade i kontrole izbornih rezultata za Lokalne izbore 2020. godine, iz razloga:

- a) kandidat u okviru otvorene liste dobio više glasova od političkog subjekta čiji je kandidat (naziv političke stranke, broj glasova koje je osvojila politička stranka, ime i prezime kandidata, redni broj kandidata na kandidatkoj listi i broj glasova koje je osvojio kandidat);
- b) broj glasačkih listića koji je pronađen u glasačkoj kutiji veći ili manji od zbira ukupnog broja važećih glasova i ukupnog broja nevažećih glasačkih listića (broj glasova koji je pronađen u glasačkoj kutiji, broj važećih, nevažećih glasačkih listića i ukupan broj glasačkih listića, te vrijednost koji je u testu tačnosti II).

Predsjednik/Predsjednica

---



Broj:  
Sarajevo,

Na osnovu člana 2.9 Izbornog zakona Bosne i Hercegovine ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14 i 31/16) i člana 62. stav (2) Pravilnika o provedbi izbora u Bosni i Hercegovini ("Službeni glasnik BiH", br. 29/18, 62/18, 69/18 i 25/20), Centralna izborna komisija Bosne i Hercegovine je na \_\_.sjednici, održanoj \_\_\_\_\_, donijela

### NAREDBU

Naređuje se otvaranje vreće sa glasačkim materijalom i brojanje glasačkih listića za biračko mjesto (**navesti broj biračkog mjesta**), nivo (**navesti naziv nivoa**) u cilju procesnog objedinjavanja utvrđenih izbornih rezultata.

Predsjednik/Predsjednica

---

Dostavljeno:

- IK

-a/a